

U skladu sa odredbama Zakona o obligacijskim odnosima („Službeni list RBiH“, br. 2/92, 13/93 i „Službene novine Federacije BiH“ br. 13/94 i 42/11), dana 20.05.2019. godine u Sarajevu, z a k l j u č u j e s e

**U G O V O R**  
**o nabavci i isporuci kancelarijskog materijala i tonera**

I z m e đ u

1. **KANTONALNE JAVNE USTANOVE ZA ZAŠTIĆENA PRIRODNA PODRUČJA**, sa sjedištem u ulici Branilaca Sarajeva 28, 71 000 Sarajevo, Identifikacioni broj 4201424050008, PDV broj 201424050008, a koju zastupa i predstavlja direktor mr. sci. Osman Delić, kao Kupac sa jedne strane i
2. **EXCLUSIVE d.o.o. Zenica** sa sjedištem u ulici Armije BiH broj 6, 71 000 Sarajevo Identifikacioni broj 4218000400009 PDV broj 218000400009 račun broj 1610000037160032 otvoren kod Reiffeisen bank d.d. a kojeg zastupa i predstavlja direktor Jasmin Porobić, kao Prodavac sa druge strane.

**I - PREDMET UGOVORA**

**Član 1.**

- (1) Predmet Ugovora o kupoprodaji (u daljem tekstu: Ugovor) je nabavka i isporuka kancelarijskog materijala i tonera.
- (2) Kupac i Prodavac su saglasni, da Prodavac u ime i za račun Kupca izvrši sukcesivne isporuke robe iz stava (1) ovog člana prema ponudi sa kojom je Prodavac učestvovao u provedenom postupku konkurentskog zahtjeva za dostavljanje ponuda.

**II - CIJENA**

**Član 2.**

Ukupna cijena za nabavljenu i isporučenu robu iz člana 1. Ugovora, utvrđuje se u nepromjenjivom fiksnom iznosu od:

Cijena naše ponude bez uračunatog PDV-a je 6.230,00 KM

Popust koji dajemo na cijenu ponude je 0,0 KM

Cijena naše ponude sa uključenim popustom je 6.230,00 KM

PDV na cijenu ponude sa uračunatim popustom je 1.059,01 KM

Ukupna cijena za ugovor je 7.289,10 KM

(slovima: senamhiljadadvijestotineosamdesetdevet i 10/100 KM)

- (1) U cijenu su uključeni porezi, takse, dozvole, odobrenja i ostale zakonske obaveze koje nastanu do momenta isporuke robe prodavcu.

### III- PLAĆANJE

#### Član 3.

- (1) Plaćanje robe iz člana 1. ovog ugovora Kupac će izvršiti u roku od 30 dana nakon sukcesivnih isporuka robe, te po ispostavljanju faktura/računa, shodno članu 12. stav (1) Zakona o finansijskom poslovanju Federacije BiH („Sl. novine Federacije BiH“, broj 48/16).
- (2) Kupac će izvršiti plaćanje robe iz člana 1. Ugovora, na žiro račun Prodavca broj: 1610000037160032 otvoren kod Reiffeisen bank d.d.
- (3) Prodavac je dužan na fakturi ili dokumentu koji je sastavni dio fakture jasno naznačiti količine i vrste kancelatrijskog materijala i tonera na koje se konkretna faktura odnosi.

### IV- MJESTO ISPORUKE ROBE

#### Član 4.

Mjesto isporuke robe koja je predmet ovog ugovora je direkcija Kupca, ulica Branilaca Sarajeva 28, 71 000 Sarajevo.

### IV – OBAVEZE PRODAVCA

#### Član 5.

Prodavac se obavezuje da će:

- a) efikasno i u rokovima vršiti isporuku robe koja je predmet nabavke,
- b) izvršiti transport predmetne robe, utovar, istovar i unošenje do mjesta isporuke koji je naveden u članu 4. ovog ugovora,
- c) da će obezbjediti da se roba dopremi na način koji će onemogućiti njeno uništenje ili oštećenje tokom prevoza i dostavljanja do mjesta isporuke,
- d) ne smije doći do odstupanja kvaliteta robe koja je definisana ponudom,
- e) izporučivati odgovarajuće tonere **isključujući** remontovane tonere (reciklirane, punjene, dopunjavane i sl.)
- f) ukoliko u ugovorenom periodu isporučeni toneri ne budu funkcionalni i korištenjem istih se prouzrokuje šteta na opremi za koju su namjenjeni, prodavac je dužan da u razumnom roku a ne dužem od 10 dana počev od dana pismenog obavještenja kupcu, otkloni štetnu posljedicu, na način da će o svom trošku izvršiti zamjenu neadekvatnih tonera i servis uređaja koji je oštećen korištenjem neadekvatnog tonera i da ga dostavi kupcu u ispravnom stanju,
- g) izvršiti zamjenu ne ispravnih tonera u roku od 48 sati od prijema obavijesti putem faxes ili pismenim putem.

## **V – NAČIN I ROK ISPORUKE ROBE**

### **Član 6.**

- (1) Isporuku robe iz člana 1. ovog ugovora Kupac će vršiti sukcesivno u toku perioda trajanja ovog ugovora, na osnovu pojedinačnih narudžbi Kupca izdatih u svoje ime i za svoj račun za određenu vrstu i količinu robe.
- (2) Prodavac će isporuku robe vršiti najduže dva dana od dana dostavljanja zahtjeva /narudžbe Kupca.

## **VI- VIŠA SILA**

### **Član 7.**

- (1) Kupac i Prodavac se neće smatrati odgovornima za kašnjenje u ispunjenju obaveza prema ovom ugovoru, neposredno ili posredno, ako je zakašnjenje uslijedilo usljed više sile.
- (2) Pod višom silom podrazumijevaju se slučajevi koji se mogu pojaviti poslije stupanja ugovoru na snagu, a koji nisu pod kontrolom ni jedne ugovorne strane, niti se objektivno mogu predvidjeti, a sprečavaju jednu ili obje ugovorne strane u ispunjavanju preuzetih obaveza po ovom ugovoru.

## **VII - PRAVO GARANCIJE I REKLAMACIJE**

### **Član 8.**

Prodavac garantuje da će isporučena roba iz člana 1. ovog ugovora biti propisanog kvaliteta u traženim količinama, te da će isporučivati originalne tonere.

Ukoliko isporučena roba ne bude zadovoljavala svojim kvalitetom, prodavac je dužan postupiti po pismenoj reklamaciji, nakon čega će kupac pristupiti plaćanju izvršene predmetne nabavke.

Prodavac će obezbijediti reklamaciju na robu u roku od 2 (dva) dana od kada se uoči da roba nije propisanog kvaliteta.

## **VIII - PERIOD TRAJANJA UGOVORA**

### **Član 9.**

- (1) Ovaj ugovor se zaključuje na period od 12 mjeseci, a stupa na snagu danom potpisivanja od strane ovlaštenih osoba ugovornih strana.
- (2) Ugovor se može produžiti za period najduže do 6 mjeseci a počevši od isteka perioda navedenog u stavu (1) ovog ugovora.
- (3) Ugovorne strane mogu odustati od ovog ugovora i prije njegovog isteka, ukoliko se jedna od strana ne bude pridržavala odredbi ovog ugovora.
- (4) Raskid ugovora jedne od ugovorenih strana kao i otkazni rokovi će se izvršiti u skladu Zakona o obligacijskim odnosima.



## IX - OSTALE ODREDBE

### Član 10.

Ponuđač u svrhu izvršenja zaključenog ugovora nema pravo zaposliti lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je Komisija za nabavke angažovala, najmanje 6 (šest) mjeseci po zaključivanju ugovora, odnosno od početka realizacije ugovora.

### Član 11.

Na druge uslove koji nisu regulisani ovim ugovorom, primjenjivat će se odredbe Zakona o obligacijskim odnosima.

### Član 12.

Ugovorne strane su saglasne da eventualne sporove po ovom ugovoru rješavaju sporazumno, a ukoliko to nije moguće nadležan je sud u Sarajevu.

### Član 13.

Sastavni dio Ugovora čine:

- ponuda ponuđača sa specifikacijom robe i
- odluka o izboru najpovoljnijeg ponuđača.

### Član 14.

Ovaj ugovor je sastavljen u 4 (četiri) istovjetna primjerka, od kojih svaka od ugovornih strana zadržava po 2 (dva) primjerka.

**PRODAVAC**  
**EXCLUSIVE d.o.o. Zenica**  
**Direktor**

  
Porobić Jasmin



Broj: 1338/19  
U Sarajevu, 20.05.2019. godine

**KUPAC**  
**KANTONALNA JAVNA USTANOVA**  
**ZA ZAŠTIĆENA PRIRODNA PODRUČJA**  
**Područje Sarajevo**  
**Director**



  
mr. sci. Osman Delić

Broj: 07-2-51-15/19  
U Sarajevu, 20.05.2019. godine